

ادبیات عمومی مجموعه سی

هفته‌ای سیاسی، علمی و ادبی غزته در

جلد : ۲

سنه : ۲ ۱۴ ربیع الاول ۱۳۳۶ هجری ابرتسی ۲۹ کانون اول ۱۹۱۷ نويسر و ۱۷-۴۸

آتی

ادبیات عمومی مجموعه سی، سنه باشندن ابتداء، بیوک، نریه، کوزل وایی ابریومی غزته ایله، «آتی» ایله برلکده وظیفه حیثیتک ایفاسنه دوام ایده جکدر. «آتی»! بومکمل و احتیاج زمانه اوفقی غزته، مجموعه من هیئت تحریریه سنک برزاده فعالیت و اجتهادیدر. رساله من، بریومی غزته احداث ویا تولید ایتدی دیرسهک یا کاشلوق ایتش اولمیز.

آتی، حاشا، بیوک بر پروگرامله، بیکارجه وعد ایله اورتیه آتیلیور. وعد ایتیه جک، یالکیز ایش کوره جک، خدمت ایده جکدر. اقوال دکل، فعلیات. ایشه شعار من بودر. غزته، سائر رقاسنه پک بکزه میه جک، شیمیدین عقله کلز بر طرز نوینده عرض دیدار ایده جکدر. آتی کله سی، بر مبهمیت اولفله برابر نه لر وعد ایدیورسه، «آتی» غزته سی ده، عینی پرده احتیاج آلتدن، شا کر توجهاتی اولدیغمز قارئلره - که بتون ملتزم دیعکدر - بر جوق تجدیدات محافظه کارانه، برخیلی انقلابات فکریه حاضر لیور.

کافه اساتید ادب و حکمت، برخیلی رجال و ارکان سیاست، جلال نوری بک ریاست تحریریه سنده عرض خدمت ایده جک اولان بوجریده حیثیت معاونت بیوره جقلردر. قارئین ذوی الاحترامدن ده توجه و مظاهر تلر بکارز. والله الموفق بالخير.

اجمال افکار

بزه ارباب هل وعقد

دنیا نك مان هریرنده بر انقلاب انسانی اولیور. روسیه کي مستبد مملکتلر ده موقراسی به سلوک ایدیورلر. انگلتره ده بر ارتجاع باش کوستردی. جهانك اك قدیم پارلمنتوسی حقوق خریه سنی

غائب ابتدی. بر شورای حرب، ده موقراسی به خلف اولدی. فرانسه وایتالیا، بیوک- بریتانیانک وصایتی آلتیه کیریورلر. آلمانیا و آوستریاده ایسه قوانین اساسیه، پک متین و مبروک بر صورتده، اصلاح ایدیلهرک مصالح سیاسیه، عامه نك تحت مراقبه سنه وضع اولونیور. ده موقراسی و آریستو- قراسی کله و مفهوملری هر زماندن زیاده، شو اوانده، زبانزددر. بزم طبقه منور انغزی ده بو جریان اشغال و تفکره سوق ایدیور. بناء علیه ینه بوسدده رجوع ایدرسهك احتمالدر که قارلرمزی تصدیع ایتمش اوله یز.

ده موقرات، آریستوقرات اولق ایسته یز بر مخلوق ایتش؛ آریستوقرات ده، بر سابق ده موقراتدن بشقه برشی دکلش، دیور «أمه رسون». سعید حلیم پاشا ایسه بوفکری ده ا جیل بر صورتده افاده ایدیور: بزده طبقات خلق، بر مقتضای دأب شرق، یوکسلاک، آریستوقرات اولق ایسته ر. آریستو قرات فکرینه التفاتکار اولان خلقد ر. اصل بیوکلر ایسه، ده موقراتدر. بر موجب علویت، اعظم، خلقك بادی تعالیسی اوله حق افکاری بسله ر؛ بونلرک فعالیت و اجرا آتی هپ خلقك صیانتنه، رفاهیتنه معطوف و متعلقدر.

خلق ایله طبقات عالیه آرمسندده، بشقه یرلرده، بر اختلاف، حتی بر خصوصیت وارد ر. قدیم هندده صنوف خلق، عینی ملک اقسام مختلفه سی عدا یدلزدی. کذلک قرون وسطی اوروپاسندده، که بو اوروپا، بعض یرلرده، حالا دوام ایدوب کیدیور - طبقات علیا، منحصرأ حائز حق ایدی. خلق ایسه، آنلرله بر قدمه مساوانده بولونق شویله طورسون، عادتاً مقوم بر مال موقعنده قالیوردی. ایسته، اوروپا تاریخی اشغال ایدن او یغونسزلقلر هپ بوندن ایلری کلیور. موضوع تحت اولان تاریخ، بوسقیم پره نسپیک تولید ایتدیکی و خامتلرک نقل و حکایه سندن عبارتدر. دنیانک بر جوق یرنده یوقاری، آشاغینک، یاخود آشاغی، یوقارینک دشمنیدر. بونک مدار افتخار بر استثناسی وارسه، اوده، الحق، حکمت اسلامییه دائره سند نائل تنسیقات اولان وطنزد ر. بزده، مملکتیمزی بیلیمین اغیار و اجانب، بونلر ولو آره مزده یا شاسونلر، نه دیرلرسه دیسونلر، ارباب حل و عقد، خلقك، جمهور و عوامك وصی طبیعیسی، ولی ازلیسی، خیر خواهیدر. بزده بیوکلر خلقدندر. مملکت مزده - و علی العموم ممالک اسلامییه ده، بیوکلک قیوسی آچقد ر. جدولی تنظیم ایتدک: مراتب علیایه صاعد اولان بونجه صدراعظملر، شیخ الاسلاملر، وزیرلر، علما، رجال و ارکان، هلی الا کثر، آشاغی طبقه لردن یتشمشلد ر. ایکنجی کوپرلی، واقعا، باباسنک اوغلی ایدی، لیکن برنجی کوپرلی طبقه عوامدن تفیض ایتش بر آدمدن بشقه برشی دکلدی. ده ایلرینه کیده لم: طبقه علیامن، حقه متابعت شرطیله، یالکز کندی خلغمزه دکل، هرکسه، بتون نوع بشره آچقدی. ارباب هدایت، مملکت و دولت عثمانیه ده، اک یوکسلاک مقاماتی احراز ایتشلرد ر. تاریخموزک مدار مفخرتی صوقوللو محمد پاشا، براجبیدر و برمهتیدر.

خلقك ضررینه، آنک حقوق حریه و تصرفیه سی، آنک تکامل و ترقی صلاحیتی علیه هیچ بر حرکت، هیچ بر منفرد تشبث و اشارته تاریخ عثمانیه تصادف ایدلز. اوروپاده عوامی حمایت بر طاقیم تشبثات وقوعبولور. بونلری تقلیداً بزده ده ملتی، حقوق نقطه نظرندن، محتاج مظاهرت تلقی ایتک، بر غلط روئیدر. بزم دردمن او دکل؛ بشقه در. بزده ده، بوسهو نظر نتیجه سی بومرضك وجودینی. طن ایدرسهك، صکره، ناحق یره، برآمده، برعملیه جراحیه اجرا ایتش کی اولورز. فرض ایدیکز که مثانه سندن اصلا مضطرب اولیان بر شخصه، قیاس طریقیه و فلاق.

خسته ایکن بویله بر او به راسیون نتیجه سی رها بولدی دیه ، بر مثانه عملیه سی اجرا ایدلسون . خایر ! زوالینک دردی مثانه سندن دکل ، برونندن ، اجهزه انقیه سنده کی آختاپو بدن ویا کوزنده کی پرده دن ! یا خود تبدیل مقام ایدلم : زوالی تعب عصبی به ، نوراسته نی به او غرامش ، آل آباق طو میور ، اویقو قاجش ، خیالات و او هام بیچاره بی تعذیب ایتکده . بوکا نه علاج ویریلیور ، بیلیر میسکر ؟ کوزلری تطهیر ایدیچی بر مقدار سولفات دوزنه تی . خلق ، بزده ارباب عقد و حاک النده ، آنک بد تربیتنده بر ودیعه در ، یوقسه ، آنک پیشگاه جدالنده بر عنصر خصومت و رقابت دکلدر .

خلق ده ، اولیا و اوصیای ملت ده ، جمعیت بشریه داخلنده کی وضعیت و موقع لر بیامیلدر لر . اگر زمام اقتدار عوامه ویریلیور سه روسیه ده کی کبی بر فوضی ، بو عجمیلکک غایت سزا بر جزای اولور . مصالح عامه نك اداره سی ، حداقت و اختصاصه منوطدر که بو ، خلقده بولونماز . خلق ، نصل طبیب و قیودان ، هیأت شناس و ریاضی دکله سیاسی و اجتماعی ده دکلدر . نه به خلقه سیاسیلاک اسناد ایدیلیور ، بوقابلیت موجود عد ایدیلیورده ، مثلاً ، [ایسن] ک دوشوندیکی کبی خلقک قیودانلخنه قناعت ایدلیور ؟ بر مرض عادینک تدایوسی ایچون ، نه دن ، ارباب اختصاصه مراجعت ایدلسون ده ، بر مرض عامک تشفیه سی ضمننده انسان کنیدیسی بویله بر احتیاجدن وارسته بیلسون ؟ خلقه ، رشد و صلاحندن ، صلاحیتندن بحث ایتمک ، آکا عادتاً فنالق ایتکدر . بز قارشیمزه جیقان فن طبک امیسی برخسته به : - سن ، طبیبه مراجعتدن بری و وارسته سک ، بیلدیگک کبی کنیدیکی تدایوی ایت ؛ می دیورز ؟ او حالده ، نه دن ، بوبدییه و متعارفه بی خصوصات عامه ده تطبیق ایتیه لم ؟ بزری روسیه ده ، دیکری آلمانیا ده ایکی انقلاب اساسی و جذری اولفده در . روسیه ده سوز ، آباق طاقمنه ویرلدی . آلمانیا ده ایسه ، سوز قاریشقی حقینه ، خلقه ، لکس آنک اهل شوراسنه ، ارباب حل و عقدینه ، متحیرانه اعطا ایدلدی .

ایکی تجربه ، پیشگاه مقایسه مزده ، جریان طبیعیتی ~~تجرب~~ ایدیور . آلمانیا ده عالمانه بر انقلاب اولپور ، روسیه ده جاهلانه بر اختلال . روس اختلالی ، ۱۷۸۹ فرانسر اغتشاشانه بیوسته اولدی . آلمانیا انقلابی ایسه بیوک - بریتانیا ده موقراسیدک رعشه سز تقریرینه منتهی اولان اصلاحاته طوغری کیده چک کبی کورینور . بزم ایسه موقع سز بتون بتون بشقه در . بزده ده موقراسی ؛ آریستو قراسی غوغامی دکل ، ذهنیتی بیله یوقدر . بزم کوره جکمز ایش ، عنعناتر دائره سنده طبقه علیا سز دیک اولان ارباب حل و عقد و وظیفه و صلاحیتنی خاطر لقی ؛ عوامه ده بو کسملک ، بیومک طریق لرینی و چاره لرینی کوستر مکدر .

بشکطاش ۲۲ کانون اول ۱۹۱۷

مهرول نوری

ترکیاده ثروت معدنیه

ترکیاده ثروت ارضیه شمعی به قدر مکمل بر صورتده تدقیق ایدلماشدی . فقط بو کونه قدر یاپیلان سطحی تحریات بیله ترکیانک هر نوع و جنسندن معادن ایدن زنکین آراضی به مالک اولدیغنی کوستر مشدر . مثلاً آسیای صغرا ده ۱۰۰ الی ۱۵۰ کیلو مترولق هر هانکی بر آراضی ده آتیموان ، قورشون ، کوش ، باقیر ، چینقو ، آرسنیک کی مهم معادن جوضه لرینه تصادف اولنیور